



Bibilia anzi nyiri yi niri

E'yo alenia 'diyi

Munguni afa dria

o'bazuri



'Ba siipiri: Edward Hughes

'Ba e'da gbapiri: Byron Unger; Lazarus

Translated by: Fetaru Dorothy Alemiga

'Ba otupiri: Bob Davies; Tammy S.

O'duko 1 o'duko 60 ma eseleari

www.M1914.org

Bible for Children, PO Box 3, Winnipeg, MB R3C 2G1 Canada
Drilemngo: Mi ovu drilemngo be buku diri ofuzu dika kaniku
oduko gbale bori ofuzu dika ra mi ka eri ozi ozi kuria.

Lugbara

A'di o'ba ama ni ya? Bibilia Buku Munguniri ece
amani e'yo 'ba ada eca 'baru ngoni ngoni yari ma
dria. Andra drio, Mungu ede 'ba oko ri 'i, 'da runi
Adamu 'i. Mungu ede Adamu ni irifura nyakuarisi.

Mungu ni ava vuzu Adamu ma alia 'bo risi,

Adamu eca idriru. Adamu esu

ima ngulupi amvu

ndrizaru omvele

Edeni 'i ri ma alea.



1

Mungu ni ndra nga Adamu ni o'bazuri kurisi, o'ba
nyaku ndrizaru gapi tre afa karakarau ndrizaru
'diyi siri. E'yere e'yere Mungu o'ba angu 'beru
'diyi angu dali 'diyi pie, mawua aji be arikariru 'diyi
pati izuru 'diyi pie, aria 'biko be ndrizaru 'diyi anyu
yi pie, i'bi amboru yi alia 'diyi pi itiriko

onzokonzo


'diyi pie.

Mungu o'ba adano afa
dria ovupi ciri-
o'ba afa dria.



2

Okorisi denga Mungu ede ni afa azi alu ni ku, afa azini alu ni ndra yo pe lu Mungu 'i. 'Ba, angu azini afa yi ndra dria yo. Afa aluni yo. Angu ma diza yo azini angu biza vini yo. Angu andraleru kaniku uruleru ni yo. Aje yo azini drusi yo. Afa ciri ndra lu Mungu ovupi e' dota kokoru ri 'i Mungu nga di e' do azi nga. Okorisi, Mungu 'ba 'bu pi nyaku be.




3

Nyaku ovu pirini azini afa alenia yo. Angu biza ovu 'bile aliru ri ma dria ni. Mungu 'yo di kini. "Le diza ma ovu ci".




4

Diza nga di di ra. Mungu nga diza ma ru 'da etu 'i, Nga angu biza ma ru 'da ini 'i. Ondre e cara azini angu ati ra. 'Da o' du okori.



5

O' du irizurisi, Mungu oku yi miri ni 'diyi, yi ombi zoku ni 'diyi pie yi alio yi pie dria 'bu ma etia. O' du nazu risi, Mungu kini, "Le angu a' wiru ma ovu ci." Nga 'i 'ye 'dile ra.



6

Mungu fe vini azita kini ase pi ma du mawua pie afa idiza rapi ra 'diyi pie azini pati yi pie. Afa 'diyi nga zora. Ondre e cara azini angu ati ra. 'Da o' du nari 'i.




7

Mungu nga di etu pi o' ba mba pie azini 'bi' bio karakarau 'ba aluni ni eco kalafe ni lazu deku 'diyi pie. Ondre e cara azini angu ati ra. 'Da o' du su ri 'i.



8


Mungu nga afa idri pie 'diyi o'ba yi miri ni ma alia e'bi yi pie. Aria yi ndra o'bale 'diyi ma eselea indi. O'du towi risi Mungu ede e'bi amboru 'diyi e'bi nyiri 'diyi pie, otonoko pa be ezuru 'diyi aria nyiria ongo ngopi ayikosi 'diyi pie. Mungu ede e'bi esele ndu ndu gazu tre yi nyaku dria 'diyi ma alea dika ede vini aria esele ndu ndu ayiko zuzu angu a'wiru ma dria, yi miri ni ma alea azini iriti ma alea. Ondre e cara azini angu ati ra. 'Da o'du towi ri 'i.



9

'Da ma vutia Mungu 'yo e'yo dika. Kini, "Nyaku ma ga tre afa idri be 'diyi si ..." O'ba anyapa esele ndu ndu 'diyi osasaa yi pie afa acipi vaalesi 'diyi pie. O'ba ewa angu oyapi oya 'diyi anyapa a'api yi ma alea azini nyaku dria indi 'diyi pie. O'ba oyoa lokiriru ri pi iyio ovuoruri pie. O'bu rua pie moli moli 'diyi ojimata amboru 'diyi pie. Ondere ezuru 'diyi busua yi pie Mungu o'ba anyapa dria yi o'du 'dasi ra. Ondre e cara azini angu ati ra.

'Da o'du azia ri 'i.



10


Mungu 'ye e'yo ndu ni o'du azia si 'i - e'yo azini e'yo azi 'diyi ma eselea ndu 'dini ni. Afa dria ovu di ngonde 'ba ada dri. Nyaka amvua ci azini anyapa yi azi ngazu eri dri ci. Mungu nga 'yo kini

"Le ama ma ede 'ba ada ama ma ngulupi ma wura vusi. Le ma ovu afa dria nyakua 'diyi ma drilia opiru ni." MUNGU NGA DI 'BA O'BA IMA NGULUPI MA VUSI. O'Ba eri wura Munguniri vusi.



11

Mungu 'yo e'yo Adamu be. Kini mi ma nya afa dria engazu amvu 'di ma alea 'diyi mini lelerile. Te mi ma nya pati onitani onyi pi ma e'yo nizu onzi beri ma efi ku. Mi ka eri nya ra mi nga dra ra.




12

Mungu 'yo vini dika kini, "ovuni onyiru agupi ni ovuzu a'dule ku. Ma nga 'ba azini ede eri ma aza kozu ci" Mungu eji aria yi anyapa yi be dria Adamu vu. Adamu 'da yi ma ru dria. Le Adamu ma ovu ndra 'ba onduaru ni erini ecozu anyapa yi ma ru 'dazu aria yi be dria. Te anyapa yi ma eselea aria yi be dria afa azini alu Adamu ni ecozu ovuzu eri be kilili ra ni yo.



13

Mungu fe Adamu ni o'du kozu aliru. Enze fala engazu eri ma ejea alu, Mungu ede oku fala engazu Adamu ma ejea risi. Oku Mungu ni edele ri ndra 'ba ecopi ovupi Adamu be kilili ra ri 'i.



14

Mungu ni afa dria o' bazu ' du o' du azia.
Mungu ' ba di asi ndriza o' du aziri ri ma
dria azini ' ba eri o' du avalizuri ru. Amvu
Edeni niri ma alea Adamu pi ovu ayikosi
eri vile oku Eva be yini Mungu ma ti
erizu risi. Mungu ni ndra OPI yiniri
runi ' ba afa feepi yi dri niri ' i
azini yi ma agyi ' i.



15

Munguni afa dria o' bazuri

O'duko engazu e'yo bari Munguni,
Bibilia ma aliari

' ba eri esu engazu

E'doza 1-2

"E'yo miniri eri dizaru."
Zaburi 119:30

Mungu nira kini ama 'ye e'yo onzi, erini omvele
ezatani 'diyi ra. Panga e'yo onziniri eri drani.
Mungu le ama tu ani epe Ima Mvi, Yesu ma ti, emuzu
drazu pati alaza ma dria ezata amaniri ma arioti
ofezu. Yesu emu idriru azini go vile 'bua! Curu'do
Mungu ecodi ezata Amani 'diyi truzu ra.

Ika le asi oja ezata mini 'diyi kuzu ra, mi ma 'yo
Munguni 'dinile: Mungu maniri, ma a'ira kini Yesu dra
masi azini ma a'ira kini eri curu'do idriru dika.
Kirikirisi mi ma efi idri maniri ma alea azini mi ma tru
ezata mani 'diyi, ma ma ovu ani idri o'diru be
curu'do, azini ma ma nga ani ovu mi be ewule ewule
beni. Mi ma ko ma aza ovuzu mva miniru.
Amena. Yohana 3:16

Mi ma la Bibilia azini mi ma o'yo Mungu be o'du dria!